



Broj: 02-03-1553-11/22
Sarajevo, 13.01.2023. godine

Na osnovu člana 69. stav 2. tačka e), člana 70. stav (1), (4) i (6), Zakona o javnim nabavkama BiH („Službeni glasnik BiH“, br.: 39/14 i 59/22), člana 16. Statuta Kantonalnog stambenog fonda Sarajevo, broj: 02-169-2/2006 od 16.02.2006. godine i broj 01-1344-5/2012 od 27.07.2012. godine i na osnovu Preporuke Komisije za provođenje postupka javne nabavke radova – Model poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (individualni objekti) Općina Ilijaš, broj: 02-03-1553-2/22 od 08.12.2022, direktor Kantonalnog stambenog fonda Sarajevo, kao Ugovornog organa (u daljnjem tekstu: Fond), **donio je**

ODLUKU

**o poništenju postupku javne nabavke radova -
Model poboljšanja energetske efikasnosti u zgradarstvu na području Kantona Sarajevo u funkciji
povećanja broja korisnika (individualni objekti) Općina Ilijaš,**

Član 1.

Poništava se postupak javne nabavke radova Model poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (individualni objekti), Općina Ilijaš iz razloga nepostojanja kvalifikovanih/prihvatljivih ponuda u skladu sa odredbama člana 69. stav (2). tačka d) Zakona o javnim nabavkama BiH („Službeni glasnik BiH“, br: 39/14 i 59/22).

Član 2.

Za realizaciju ove odluke zadužen je Odjel za projektovanje nadzor i druge tehničke poslove i Odjel za pravne i ekonomske poslove Kantonalnog Stambenog fonda Sarajevo.

Član 3.

Ova odluka objavit će se na web stranici Ugovornog organa- www.ksfs.ba, istovremeno sa upućivanjem ponuđačima koji su učesvovali u postupku javne nabavke, u skladu sa članom 70. stav (6). Zakona o javnim nabavkama BiH.

Član 4.

Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke, shodno članu 71. stav (2) Zakona o javnim nabavkama BiH.

Obrazloženje

Odlukom broj: 02-03-1553/22 od 07.12.2022. godine, pokrenut je postupak javne nabavke radova: Model poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (individualni objekti) Općina Ilijaš, putem Konkurentskog zahtjeva za dostavu ponuda, u kojoj je predviđena procijenjena vrijednost predmetne nabavke u iznosu od 56.500,00 KM bez PDV-a.

Obavještenje o nabavci, broj: 882-7-3-221-3-14/22 i Tenderska dokumentacija objavljeni su na Portalu javnih nabavki dana 27.12.2022. godine.

Rok za dostavljanje ponuda je bio dana 11.01.2023. godine do 11:00 sati.

Kriterij za dodjelu Ugovora o izvođenju radova po ovoj javnoj nabavci je „najniža cijena“.



Komisija za provođenje postupka javne nabavke radova imenovana je Rješenjem direktora Fonda, broj: 02-03-1553-2/22 od 08.12.2022 godine (u daljnjem tekstu: Komisija za nabavku.).

Nakon što je u skladu sa Zakonom provela sve procedure u vezi predmetne javne nabavke, Komisija za nabavku je direktoru Fonda dostavila Zapisnik o pregledu i ocjeni ponuda broj: 02-03-1553-8/22 od 12.01.2023. godine, Preporuku o izboru najpovoljnijeg ponuđača broj: 02-03-1553-9/22 od 12.01.2023. godine i Izvještaj o radu broj: 02-03-1553-10/22 od 12.01.2023. godine, u postupku javne nabavke radova: Model poboljšanja energetske efikasnosti u zgradarstvu na području Kantona Sarajevo u funkciji povećanja korisnika (individualni objekti), Općina Ilijaš

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike u kojima je utvrđeno sljedeće:

- sa portala Agencije za javne nabavke, tendersku dokumentaciju je preuzelo osam (8) ponuđača;
- u određenom roku za dostavljanje ponuda na protokol Ugovornog organa zaprimljena je jedna (1) ponuda i to: Ponuda od „FAZUM GRADNJA“ d.o.o. Ilijaš, ul: Lješevo broj 642 a, Ilijaš
- nije bil neblagovremeno pristiglih ponuda;

Prema Tenderskoj dokumentaciji, za predmetnu javnu nabavku je u skladu sa Pravilnikom o uslovima i načinu korištenja e-aukcije („Službeni glasnik Bosne i Hercegovine“, broj: 66/16) bila predviđena e-aukcija, međutim kako je u konkretnom slučaju zaprimljena samo jedna ponuda, u skladu sa članom 3. stav (3) navedenog Pravilnika e-aukcija se ne može zakazati već se postupak okončava u skladu sa članom 69. Zakona o javnim nabavkama BiH.

Komisija za nabavku je u postupku ocjene ponude izvršila provjeru kvalifikacije ponuđača „FAZUM GRADNJA“ d.o.o. Ilijaš, te je utvrdila da je ponuda istog nije kvalifikovana u dijelu koji se odnosi na tačku 3.2.2 Tenderske dokumentacije kojom je propisano sljedeće:

„3.2.2. U svrhu dokazivanja da ispunjavaju uslove iz prethodne tačke ponuđači su obavezni dostaviti:

- a) za ponuđače iz BiH koji su privredna društva/pravna lica: aktuelni izvod iz sudskog registra, original ili ovjerena kopija, čiji datum izdavanja nije stariji od tri mjeseca računajući od dana dostavljanja ponude (pod danom dostavljanja ponude smatra se dan koji je ugovorni organ odredio u tenderskoj dokumentaciji kao datum za prijem ponuda). Aktuelni izvod iz sudskog registra mora sadržavati sve podatke za koje je, prema važećim propisima o registraciji, propisano da ih takav dokument sadrži“.

Detaljnijim pregledom zaprimljene ponude Komisija za nabavku je jednoglasno konstatovala da u sklapu ponude nije dostavljen traženi dokaz o ispunjenosti uslova iz naprijed navedene tačke Tenderske dokumentacije, tj, valjan Aktuelni izvod iz sudskog registra, već je dostavljena ovjerena fco Aktuelnog izvoda iz sudskog registra izdat od Općinskog suda u Sarajevu dana 22.12.2021. godine, te se radi toga zbog neispunjenosti uslova za kvalifikaciju prema članu 68. st: (1) i (4) tačka i) Zakona o javnim nabavkama BiH ponuda ponuđača „FAZUM GRADNJA“ d.o.o. Ilijaš nije mogla razmatrati u daljnjem toku postupka.

Shodno tome, Komisija za nabavku je dostavila direktoru Ugovornog organa Preporuku o poništenju postupka javne nabavke radova- Model poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (individualni objekti) Općina Ilijaš, broj: 02-03-1553-9/22 od 12.01.2023. godine iz razloga što zaprimljena ponuda navedenog ponuđača nije kvalifikovana, odnosno prihvatljiva za Ugovorni organ u odnosu na kriterije tražene Tenderskoj dokumentaciji u skladu sa čl: 45-51. Zakon o javnim nabavkama BiH.

U postupku ocjene provedenog postupka, direktor Ugovornog organa nije našao razloge nepravilnosti, kao ni propuste u radu koji bi bili osnov neprihvatanja preporuke Komisije za nabavku.

Prihvatajući preporuku Komisije nabavku, direktor Fonda, kao Ugovornog organa odlučio je kao u dispozitivu ove odluke u skladu sa članom 69. stav (1), tačka d), a u vezi sa članom 70. st: (1), (4) i (6) Zakona o javnim nabavkama BiH, članom 8. stav 2. tačka d) Pravilnika o uspostavljanju Komisije za nabavke BiH, članom 39. Pravilnika o javnim nabavkama roba, usluga i radova u Kantonalnom stambenom fondu Sarajevo i članom 16. Statuta Kantonalnog stambenog fonda Sarajevo.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi BiH, putem Ugovornog organa, najkasnije u roku od 5 (pet) dana od dana prijema ove odluke.

Žalba se podnosi u pisanoj formi u najmanje tri (3) primjerka, direktno ili preporučenom poštom na adresu: Hiseta 13a, Sarajevo, Kantonalni stambeni fond Sarajevo.

Obradila/Kontrolisala:

Jasmina Karović, dipl.pravnik

Senada Hadžialić, BA ekonomije



Dostaviti:

1. „FAZUM GRADNJA“ d.o.o. Ilijaš, ul: Lješevu broj 642 a;
2. Odjel za projektovanje nadzor i druge tehničke poslove;
3. Odjel za pravne i ekonomske poslove;
4. U evidenciju;
5. U a/a.

